

8/11

0-16

ser. 100(4)

Bašimane le banna ba kxalê

K34/11

1/2

1

Mehleŋ ye e fetilexo pele xa xo tla' xa thutô mo dithšabeng tša xešo, re kwa xore bašimane ba be ba phela ka mokxwa o re ka o humanaxo xore o ka ba o thata kudu mehleŋ ya lehono. Xe ngwana wa mošimane a thôma xo hlalefa o be a dula kxorong le banna. Mo kxorong o thôma xo ithuta mekxwa leditirô tša senna. Xe a dutše a hlalefa o tla ba a diša dipuťšane ledikwanyana. Mme ka moraxo o thôma xo diša mabôtle, mme a fêla a dula kxorong le banna. Mo kxorong xo jêlwa tše bose ~~xxx~~, ruri, xapê xo axilwe "dikxwadi" ka mo dijô tša banna di bewaxo ka xôna le mohla xa 'tšatšî le leso.

2

Mo kxorong xo be xo xotšwa mollô o moxolo ka dikxong tše o di tôpêlêłšwexo ke bašimane šokeng. Basadi le bôna xa ba boya xo tôpêlêla o mongwê leo mongwê o tlamilwe xo feta a bea thata kxorong ya banna.

3

Xo be xo bešwa dinamama tša diphôôfôlô le dinonyana di jêlwa xôna maxôbe a bothwa a išwa kxorong. Xe xo hlabilwe kxomo xoba pudi, tša kxôrô di be di apewa ke banna ~~xxx~~ mosexare. Xe xo bexêlwa banna ka tša kxôrô xo be xo thwe "Mollô o lwelê," byale banna ba tla ba nthšetša bašimane tša bôna dingatha le lesothwana. Ka tšatšî leo bo-masia-xo-diša ba tla e bôna e letše. Xe xo abêlwana dinamama bôna ba a thsedišwa, be kxane re metša marê le xo iša diatla ba ba tima ba ba tômêla ba re: Mašia-xo-diša-a-bo-kxomo a re xo bôna nôxa a re ke mmutla." Ka xo ryalo Mašia-xo-diša o tla kwa bohloko ruri, xe bašimane ba bangwê ba mo dira byalo; o tla tsoxa a yo diša a ka se sa šala. Le xôna kowa madišong o tla humana melaô e thata kudu, xo na le bonkxôxô. Bôna xa ~~xxxx~~ ba yo buša dikxomo le xo hlwa natšô, ba ithakêla dinonyana le xo tsoma diphôôfôlô. Xe di bolailwe di a bešwa mme xa di butšwitše, xo thwe xo ba banyane "Yong bitša kxôrôxôłšwane," mme bôna ba tloxa ka poifô le kholofêlô xo yo mmitša, athe dinamama kowa moraxo di a fêla. Ka moraxo xa xo šetše marapô ba a bitšwa, mme ba botšwa xore "Xa le bone monna yola kxôrôxôłšwane o dutše a la mo; o llê nama tša lena" mme bôna ba kxôlwa ba phuphura-phuphura marapyana ale a se naxo selô, xobane nama di

4

llwê ke yêna kxôrôxôtswane. Ba be ba ba dira byalo le
 kxomo xoba pudi e tswetšê xo bešitšwe mohlana. Xapê le
 xôna xe xo bešitšwe mohlana xa xo yo a ka ingwayaxo; xo
 thwe "Tutu e tla thunya ya senya xo ja" Yeo a rataxo xo
 ingwaya o swanetšê a tloxê a yê kxolê le felô fao xo
 bešitšwexo mohlana xôna. Xapê xe badiša ba ka leša mabêlê
 a monna wa sekêbêka o be a ba inamiša ka mekxwa e mentšî.
 Wa bohloko kudu ke "Kota-moswe" Xo dukoloxwa seolo xoba
 sehlare bašimane ba re "phara-phara" byalo ka dixwaxwa xo
 thwe "kota-moswe Mabêlê o a ja e le koša, thupa e le xôna
 e kxaoxa xo se na moxau. Le bôna ~~ba~~ bašimanyana ba be ba
 phedišana xa bohloko, ba kxôrô engwê ba sa bônane le ba
 engwê, ba tlošana diolong. E baxo xe e sa le mašoboro
 xôna, xe yo mongwê a ka lahlwa ke mahlale a re ke yo "etêla,
 ke xôna xe a tla hwêla šokeng, a bolawê ke a mangwê mašoboro.
 A/ re: Phaxa xa e ete, ka fao bašimane ba be ba phela xa
 bothata kudu le xe bôna ba be ba sa kwe bohloko xo iša kae.